

天  
啓  
滇  
志

滇志卷之十一

官師志第七

郡縣官賢目錄

雲南府

漢益州太守文齊

原載總部今移入于此

益州太守王阜

益州太守李顯

益州刺史龐芝

太守景毅

益州太守董和

原載總部今移入于此

元晉寧州同知阿羅哥里室

雲南儒學提舉馮文舉

本朝洪武前備指揮賈安

知州張觀

知縣趙幹

永樂知州邢簡

州同康旻

知縣鄧思謙

吏目萬汝霖

宣德知府鮑克夫

知府王常

正統知府郭鎮

知州丁貴

知縣黃守純

知縣陳文友

知縣何銑

知縣李珍

千戶汪淵

學正陳穀

學正鄧思誠

景泰知州邵昱

天順知府張珣

成化知府陳揆

知縣廖芳

知縣石泉

知縣龐珣

教授高朗

學正朱吉

弘治知府董復

知府趙渾

知府張鳳

知州喻敬

州同張昇

縣丞余紀

教諭聶詔

志草  
新入

正德知府葉元

知府劉光

知府吳便

州同陳陽

嘉靖同知余承業

知州郭治

州同黃潛

州同吳世珣

知縣胡溥

知縣馬宣

知縣王拱仁

縣丞廖立仁

隆慶知府董原道

知州樂頌

知縣王新民

萬曆知府羅義

知府張祥萬志草新入

同知孫衣

推官李蓋志草新入

知州劉儲

知州王朴志草新入

知州瞿唐

知州鄭邦福志草新入

知州伍佐

知縣錢貴

知府程道東

以下今新入

知府洪邦光

知縣陳紀

知縣張志皋

知縣蘇夢陽

學正龍旌

吏目常宗孝

知縣王渠

大理府

漢建寧令杜軫

唐南寧州都督韋仁壽

南詔清平官楊佑

南詔永昌郡都督張羅定

元翰林學士姚樞

太保劉秉忠

王府掌書記張文謙

大理路教授趙傅弼

本朝洪武知府杜瑜

通判趙彥良

推官張鐸

指揮使鄭祥

指揮同知賴鎮

知州蘇守正

知縣趙簡

知縣金文舉

吏目諸葛伯恒

永樂知府楊節伸

宣德知府李縣

正統知府賈銓

指揮使陳定

景泰同知應灝

知縣何宗魯

教授韓文昂

教諭黃遜

天順知州王諫

成化知府蔣雲漢

州同劉讓

弘治知府許坦

知府吳巖

同知廖鉉

知州胡伯定

知州吳光祿

知縣李秀實

知縣李芄

知縣楊樊

正德知府周憲

同知方宸

通判喻河

教授孟宸

嘉靖知府高公韶

知府任轍

知府毛德禎

同知高鑄

志革  
併入

通判王朴

知州潘大武

知州朱害

知縣侯問



知縣龍翔霄

知縣尹轅

縣丞劉宣

教授楊一中

隆慶知府史翔

志草新入

推官劉朴

志草新入

萬曆知府莫天賦

志草新入

知州莊誠

以下今新入

知縣何宗魯

知州陳輔

知縣劉延齡

學正蕭洪

饒安府

元臨安宣慰同知普化

守鎮朱寶

千戶亨祐

原載總部

本朝洪武指揮同知萬中

指揮王執

知縣任遲

知縣黃德

土官美甥

吏目程本立

永樂知府陳禮

知州李善

正統知府賴英

原載總部今移入於此

同知徐文振

通判彭善道

百戶邵鑑

學正王驥

教諭唐英

景泰知州任彬

志草新入

天順同知劉文

知縣蔣良

成化知府左明善

知府周瑛

知州黃時中

教授楊奇

訓導曹安

河泊楊明哲

弘治知縣王朝祿

知縣陳澗

正德知府朱珣

知州余秉清志草新入

嘉靖知府汪金

知府蔡煥志草新入

知府錢邦儒志草新入

知州陳夢雷志草新入

知州耳珂志草新入

州同王聘

知縣司馬公程志草新入

萬曆知府昌應時志草新入

知府牛可麟志草新入

同知李璧

同知楊浚志草新入

通判許萃

知州江文璧志草新入

知州曹所能志草新入

知州鄭洪範

永昌府

漢西部都尉鄭純

益州太守張翥

原載總部令移入于此

子張端

原載總部令移入于此

永昌太守曹鸞

永昌太守藥巴

志載新入

永昌太守馮灝

蜀漢郡相王伉

永昌從事費詩

志載新入

永昌太守霍弋

晉永昌郡從事孫辯

唐永昌酋長楊興

姚州道總管梁積壽

元都元帥段阿堅

宣慰使段日

子阿慶

本朝洪武都指揮僉事胡淵 子琛

指揮僉事李觀

正統都督僉事胡誌 指揮使陳昇

教授余穀

天順永平主簿郭本

正德騰衝司訓導黃臨

嘉靖知府嚴時泰 知府童蒙正

知府弋中志草新入 知縣邵華譜

萬曆知府洪恩志草新入 知府張元諭志草新入

知府陳師志草新入 同知戴希灝志草新入

同知朱儒志草新入

同知漆文昌

原載總部今移入于此

知州劉恒

知州李福

知州杜可教

志草新入

知縣孫衣

知縣袁璠

教授楊思震

楚雄府

本朝洪武知府朱守仁

指揮同知袁義

千戶印岳

永樂指揮同知張琮

正統知府馮郁

原載總部今移入于此

知縣馬良

副提舉華珪

景泰知府計澄

知州鄒慶

成化知府邵敏

知州李純

提舉吳永

知縣邵傑

知縣虎臣

弘治知府朱繼祖

志草新入

知縣范璋

知縣蔣哲

正德知府董朴

嘉靖知府祝弘舒

知府李邦表

知府戚慎

同知傅昂

知府荀詵

知州何應和

知州區元晉

志草新入

知縣吳習

知縣談班

隆慶同知張大亨志革新入

萬曆知府張九歌志革新入 知州黃袍志革新入

知縣顧開志革新入 知縣王高

知縣王章

曲靖府

晉興古太守費深

本朝洪武知府王政

指揮劉壁

永樂知府王禎

景泰知府操安 知府許尚傑

天順知州王式



弘治知府章悅

知府焦韶

知州蕭瑛

知州羅果

嘉靖同知王惠

知州李珊

州同張秉正

隆慶知縣梁棟

志革新入

萬曆知府龐嵩

同知胡光

同知教翔

推官戶耕莘

知州栗廷用

知縣文溶

教授夏鐸

知州郭俊義

以下今新入

守備周嘉映

守備李加培

指揮曹三捷

潞江府

元潞江路總管魁納

廉訪副使張瑾

本朝洪武指揮胡思

目知許用

永樂知府白永年

正統知府王彥

天順知州魏鑑

成化知府向侃

知府毓欽

知州魯厚

弘治通判晁必登

正德知府唐臣

知府劉傑

知府童童

知縣皮日偉

嘉靖知府計朝聘

知縣楊佑

知縣張雲翼

萬曆知府王良臣

知府徐可久

志革新入

知府林焜章

蒙化府

唐魏州刺史細奴邏

陽瓜州知鳳伽翼

本朝永樂知州劉童

正統土官知府左伽

成化教授劉宜春

弘治教授董璧

同知胡光

正德同知謝圭

通判溫洪

嘉靖同知王璵

通判陶文璣

通判董希孟

萬曆提舉劉作沛

志草  
新入

鶴慶府

元總管高惠直

本朝正統知府林通節

知府王珉

知府張洪定

知府胡信

知府張海

知府賀從政

知府劉珏

知府孫偉

知府吳堂

知府汪標

知府馬卿

知府周集

知府蔣子岳

知府桑荆初

知府周贊

同知曹鐸

同知劉璧

同知張廷俊

通判張哲

推官于大鄧

推官薄溥

推官姚太英

教授陳憲

教授洪晟

經歷鄭恩

知事吉時

知州卬鳳

知州張述

知州劉讓

知州方啟念

知州趙民牧

州同廉旻

知州李先芬

知府余廷標

姚安府

周楚將小卜

漢韓說

唐行軍總管梁積慶

元姚安路判官楊寶

總管高明子壽

本朝洪武指揮戴都

千戶岑斌

土官州同高惠

永樂知府吳潤

知州高宗壽

成化知府馬自然

州判劉昂

弘治知府任弘

知府王嘉慶

知州丁銳

知縣孫日洪

知縣楊洙

正德知府黃澍

知府杜瑩

土官同知高鳳

嘉靖知府趙良華

知府王鼎

知府陳綬

知府吳嘉祥

知府陳祥麟

知府何昂

知府王德純

知府趙澍

知府趙恒

知府楊日贊

知州莫相

知州陳輅志草新入

教授陳生

隆慶知府楊汝允志草新入

萬曆知府李載貴

志草  
新入

提舉吳崇德

提舉熊過

廣西府

本朝成化恭政賀勛

知州張敬

志草  
新入

弘治同知金信

知州孫文

正德知府孫儒

志草  
新入

知州華剛

知州張佐

嘉靖知府解一經

知州李崧

隆慶知府戴時雍

萬曆知府陳忠

二人  
新入

尋甸府



本朝正德知府戴紱

嘉靖知府林斌

知府王尚用

萬厯知府李遇春

指揮諸藩裕今新入

武定府

元武德將軍安慈

子弄積

本朝成化知縣董昱

弘治同知黃表

知州張敬

嘉靖同知袁倬

知州秦德

吏目劉瑀

隆慶府劉劉宗寅

知府羅嘉賓

知州節世彥

指揮金守仁

景東府

本朝嘉靖通判吳儲

萬歷通判張吉

志草  
新入

元江府

元通判寒賽

安撫刀代

志草  
新入

本朝洪武土官知府那直

志草  
新入

嘉靖指揮汪輔

志草  
新入

飛江府

元知府章吉帖木兒

本朝洪武土官知府阿得

正德土官知府木高

志草  
新入

廣南府

本朝隆慶知府王道廣

順寧府

本朝洪武土官知府阿日貢  
土官經歷董寶

永寧府

本朝嘉靖同知丁堯鄉

北勝州

元行省中書左丞高斌祥

本朝洪武知州楊渤

吏目呂實

郡縣宦賢

雲南府

漢文齊廣漢人王莽時為太守造起陂池開通灌漑  
墾田二千餘頃率厲兵馬修障塞降集羣 甚得其  
和及公孫述據益土齊固守拒險述拘其妻子許以  
封侯齊不降關光武即位乃間道遣使自關蜀平徽  
為鎮遠將軍封成義侯道卒詔為起祠堂郡人立廟  
祀之

王阜蜀郡人肅宗元和中為益州太守政化尤異有  
神馬四匹出漢池中耳露降白鳥見始興學較漸遷  
其俗

李顯已郡人初為太尉掾靈帝熹平五年諸蠻叛執太守雍陟御使朱龜討之不克朝議欲棄之顯建策討伐乃拜顯益州太守發板楯蠻擊破之得雍陟歸諸蠻平

雁芝益州刺史與李顯同討

景毅廣漢人李顯卒後諸復叛以毅為太守討定之毅初到郡米斛萬錢及至漸以仁恩未期月米價頗減至數十文云

董和初宰南郡枝江人劉璋時為成都令以儉率民修汰為之一變後遷益州太守清約如前初司馬相如韓說開地至滇池上得牛馬羊屬三十萬漢募徙

死罪及奸豪實之郡土大平畝原田多長松阜有鸚鵡  
鵲孔雀鹽池田漁金銀畜產豐饒富俗豪奢難撫  
御自文齊王阜景毅李願以至于和相繼徵後遂  
為善

元阿羅哥里室晉寧州同知政先教化而求瘼之念  
孳孳境內大治

馮文舉四川什邡人初舉鄉試授漢州學正達魯花  
亦燕僚以一手致酒文舉不受隱去次科登進士第  
任雲南儒學提舉明玉珍攻雲南城將陷文舉謂其  
妻曰某受國恩愧不能退賊効尺寸今有死而已爾  
光州馮中丞孫女也其從之乎馮曰夫以義亡妾生

何益遂焚香北拜俱縊於學宮時人義之

舊志作變理翰字文輓其先蒙古人後徙居四川

什邡

本朝賀安朝宗湖廣安化人洪武間任雲南前衛指揮持重有為寧城浚隍皆所董治

張觀國賓太原人監生洪武年間嵩明知州簡直不擾新附之民安其撫字考最陞鳳陽府知府

趙幹平陽人監生洪武十六年任歸化知縣調武定石舊縣三十三年秩訪稱職陞嵩明知州數大不苛

夷民安之陞戶部郎中

邢簡廣平人舉人先任山東僉事降歸安府經歷陞

石府經歷永樂十五年任嵩明知州在任政平訟理  
決於官

廉旻彥高辰州人永樂初錄剡川州同調嵩明州性  
資諒直後陞河南府同知

鄭思謙克謙桂陽人監生永樂間知祿豐歷官九載  
廉能如一日邑之治署橋梁驛郵市肆皆其創建民  
頌不棄

萬汝霖均濟貴溪人吏員永樂六年授嵩明州吏目  
有儒風九載考最陞交趾金場提舉

鮑克夫南昌人宣德間任知府刑清政平士民無遠  
近無不悅服



王常蒲田人宣德間任知府平易近民民受恬靜之福

郭鎮宛平人正統間知新興州時大溪水泛民嗷嗷不聊生鎮議醴祭河一夕安流如故徵公民其魚矣後知雲南府勤於其職凡倉庫壇壝學校府所修葺卒於官滇民祠於廣脩倉傍新興民亦繪像以祀貴金壇人正統間知晉寧州勤慎有才凡學宮壇廟咸捐資新之水旱禱祈輒應民謠曰旱莫忙公行香雨莫憐公請禱

黃守純惟一正統間任昆縣撫字有方方遷縣治無繻髮之費及於閭左

陳文文希賢縣呈貢令調昆明處心樂易政舉大綱  
有循長之稱

何統蒼溪人舉人正統十二年知富民縣有幹才多  
所建設

李珍成都人正統初知宜良縣政尚平易秩滿去士  
民戀戀不忍別

汪淵合肥人宜良所正千戶善拊軍卒定遠王禮遇  
之

陳穀泰和人正統四年任晉寧儒學學正先是學在  
州北僻陋不稱穀泰

請遷於州南訓誨生徒不倦士皆奮勵

鄧思誠華陽人舉人正統間任昆陽州學正奉其職  
業能長育人才任滿陞監察御史

邵昱永寧人景泰間知晉寧州廉介有為九年滿耆  
民王斌等赴京奏留復任三年遷廣西平樂知府

張玘建紳歸安人進士天順間任知府剛明嚴肅有  
才名

陳揆季同銅梁人成化間任知府剛直明斷又多惠  
政陞貴州按察副使

康芳廷矩成化初知昆明縣敏而有能一意洗索蠹  
害凡有興作不擾於民

石泉彥清長沙人監生成化間任祿豐知縣儻不

羈區畫有要縣當迤西要路里甲困累悉心調劑民  
賴均平

龐珣成化間任楊林知縣體悌君子也溝河便民民  
懷其德

高朗滁州人成化間任府學教授嚴規條勤訓誨諸  
生率從

朱吉新淦人成化間任晉寧州學正勤於訓士充善  
草書重新明倫堂齋號

董優德初會稽人弘治間以御使任知府宦蹟懋著  
有德政碑在郡中祠在郡之左數百武外

趙渾伯全漳州人弘治間任知府政尚寬平民咸懷

之

張鳳應時宜春人弘治間任知府剛斷截然令行禁  
止而無留事

喻敬內江人弘治間知晉寧州既廉且能從前廢墜  
無不修舉去後士民思之

張昇濟陽人監生弘治間任昆陽州同知增學址練  
民兵理州如家常以私財代官租後因部運秋糧至  
滇池舟覆溺死民奔哭如喪父母

余紀文理昆明縣丞弘治間任持操冰蘖綽有能聲  
當道有難事輒命綜理歷官至府同知

薛詔昆明教諭弘治初任時方建學嚴立科條盡心

啟迪至今如聶先生云

崇元本真廣信人舉人正德間任知府廉介有為不畏權貴聞吳瑞草汙俗時廣西師宗未靖元督糧到州計擒賊衆地方戢寧卒於官無長物

劉光景晦定海人進士正德間任知府經理克勤政嚴與諸生談苑常輟一時文風翕然丕變

吳便廷言山陰人進士正德間任知府精於律法疑獄多所裁決墮備副使

陳陽健夫新淦人進士正德五年以刑部郎中忤逆瑾左遷昆陽州同知築土城以資保障時課試諸生政多卓異尋陞知州晉廣東憲副昆陽士民祠祀之

余承業懋賢青神人進士嘉靖十年任同知公廉明  
斷威惠大行陞本省按察副使

郭治泰和人舉人嘉靖八年任嵩明知州當兵燹之  
後立科條嚴執範文章政事卓然可觀

黃潛晉江人選貢嘉靖中任嵩明州同知愛民如子  
遷學築城運餉皆有功又議調軍改路等十事上之  
當道苦節著聞民至今思之

吳世珣保德人監生任馬龍州同知嘉靖六年署嵩  
明州事剛果嚴明安賊叛出身赴關累無畏怯賊平  
撫瘡痍給牛種士民誦之異途之表表者

胡濟南漢人舉人知昆明縣政先惠愛去後見思

馬宣仁甫任昆明知縣修葺縣治巽然改觀賁給而民不知

王拱仁南部人嘉靖四十四年任三泊知縣嚴明整刷修城開渠民人安其居以事隴訟

廖立仁昆明縣丞嘉靖十五年携孤僕縣沅江徒行之任省約安恬未幾以憂去邑人衷金送之却不受董原道巴縣人進士隆慶三年任知府剛直明斷門無私謁獄無淹繫百廢無不修舉者

樂頌臨川人舉人隆慶元年知嵩明州操持清約築石城草里甲議徵白米禁易羊毛屯魁因累陞邵武府同知



王新民石阡人舉人隆慶年任易門知縣平易而民歸之以憂去不忍舍爲之建祠立碑

羅義金山人任知府有特操毓才幹

張祥爲金壇人進士萬歷初任知府學問淵邃時督書院諸生課義而品薦之所造寔多政事明決無停牘無寃民

孫木宜之清平人舉人任府同知有治才事有疑難不咄嗟而辦

李蓋臣誠成都人進士萬歷元年任推官博大明朗若隔垣而見五內者爲李多淑問每月一再問諸生課莧人人實歸署臨安郡時有梅樸之役軍興旁午

制量稅運等則餉不乏聞郡驢呼召入爲御史

劉儲興國人舉人知晉寧州精明豁達繕城郭建橋  
梁置屯堡皆州治先務也

王朴清平人舉人任昆陽知州政持大綱撫  
士民悅服

瞿唐長垣人進士縣御史左遷嵩明知州除奸剔弊  
意切孤寒循吏之聲未著

鄭邦福洪疇上饒人進士萬曆元年任知州治州慈  
祥而清瑩精心明理脫離言詮人莫能窺別識者服  
其逸焉遷都郎官止京卿

伍佐新化人舉人任安寧知州歷九年民歌之曰伍

州牧明如燭

錢貴峨眉人以貢任富民知縣簡重廉平邑人有李  
義者為盜所誣獄既成貴廉得其寃白於臺司得釋  
其人以重賄謝貴叱去在邑以蔬圃自給卒於官士  
民哀之

程道東震伯歛縣人萬歷初任知府師武侯以嚴致  
平之語以禦敗群而雅意作人誠心愛士時赴書院  
課士入夜隱几而卧既覺呼曰諸生中而可矣讀帖  
括有賞鑒者長聲誦之每擊節通鄉試公既入棘闈  
撫院鄒公應龍登其堂取微官訊之公出有拂衣之  
想未幾竟以此累去滇

洪邦光世襲同安人先任同知理他郡訟獄錢穀爲  
文無害所過肅然亦無交往後陞本府知府精心平  
理父久無變士附而民安之

陳紀惟修四川內江人由溧陽謫來全三泊州循其  
民而牧愛之好弁奪民田租稅不入按法論罷邑有  
礦山民苦通謀白臺使者封焉還中使出而茲地不  
入斧斤民有父子獄愀然曰是令失教罪匪獨在民  
遂懲其子勸導其父民俱感泣相愛如初

張志皋汝諧貴州永寧州人舉人萬歷初年任知縣  
才局恢恢而鋒稜不露處省會之劇邑自郡以上無  
不獲其心在任四年豈弟之聲騰於衆口

蘇夢陽萬曆三十五年任祿豐知縣時叛賊鄭舉等  
從武定寇祿豐夢陽率民兵力戰至元且方朝服祝  
釐賊擁衆至被執不屈死之男蘇萬民爲父上疏奉  
旨贈光祿寺少卿蔭子立祠

龍旌大理府趙州人舉明經爲嵩明州儒學學正賊  
攻嵩明旌倡大義以効死不去爲州人誦言之比城  
陷剛風勁氣愈烈烈焉趙州人謂旌州庠一絳帳耳  
身不膺民社之寄卽不與難不足深求噫旌之志豈  
以一廣文爲有無哉又豈以一廣文非臣子而可以  
不爲子思之守乎

詔贈國子監博士視吏目少殺矣後必有更端言者

常宗孝萬歷三十五年任嵩明州吏目叛賊楊禮等  
攻嵩明城陷宗孝闔門俱死事

聞贈本州同知蔭一子入監讀書

王梁廣安人舉人嘉靖間任宜良知縣惻隱之吏不  
以赫赫著聲聞而惠愛入人以此尸祝

### 大理府

漢杜軫成都人舉孝廉爲建寧令風化大行漢夷悅  
服累遷尚書郎

唐常仁壽京兆萬年人性寬洪有識度高祖時擢雋  
州都督府長東南寧州納款朝廷歲遣使撫接至率  
貪奢邊人苦之帝數聞仁壽名詔檢較南寧州都督

仁壽受命將兵徧西洱河開地數千里置之州十五  
縣卽以其豪帥爲牧宰咸命簡嚴蠻夷安悅并還道  
長泣留仁壽以池壁未立爲解酋長相率築城起廨  
再旬仁壽乃告以實曰吾奉詔第撫循庸敢擅留夷  
夷父老乃悲泣祖行遺子弟隨貢方物

楊佑南詔清平官封長州郡公撫治本郡蠻民甚敬  
畏之

張羅正南詔清平官永昌郡都督以破蠻功陞大監  
軍性義勇有度量

元姚樞公茂柳城人祖征大理至曲光腦兒地樞  
因夜譙陳宋祖遣曹武惠下江南不從一入爲盛德

事明日世祖據鞍詔樞曰若昨夕言吾能爲之樞馬  
上賀曰聖人之神神明如此民之幸國之福也兵入  
大理勅樞裂帛爲旗頒止殺之令分踴樹陌民驩呼  
滿道及征雲南收其圖籍拜翰林學士承旨率謚文  
獻

劉秉忠仲晦瑞州人從世祖征大理明年征雲南每  
贊以天地之好生王者之神武不殺故克城之日不  
妄戮一人己未從伐宋復以雲南所言力贊于上所  
全活不可勝計至元元年拜光祿大夫位太保參預  
中書省事卒贈太傅追封趙國公謚文貞後進封常  
山王改謚文正



張文謙仲謙邢州河沙人世祖居潛邸受邢州分地  
以劉秉薦薦爲掌府府書記日見信任世祖征大理  
國主高祥拒命殺信使遁去世祖怒將屠其城文謙  
與秉忠姚樞諫曰殺士拒命者高祥耳非民之罪請  
宥之縣是大理之民賴以全活累官樞密副使卒追  
封魏國公謚忠宣

趙傳珂任教授以嚴毅自持性敏而樂於教導

本朝杜瑜洪武間任知府愛民如子以惠補

趙彥良明善典與人舉人洪武間任通判剛介有文  
學修大理志要先是任劍川州判與除中窺州人思  
服云

張驛古范人舉人洪武間任推官以廉稱

鄭祥合肥人洪武初調大理衛指揮使增拓舊城經畫之功居多

賴鎮洪武十五年征雲南以功陞大理衛指揮同知二十年調洱海衛訓練士卒字禦皆有方畧與袁義齊名

蘇守正洪武間知趙州治署庠較祀典壇壝皆其開創卒於官

趙簡洪武間任雲南知縣有才能兼惠政

金文舉會稽人洪武間以給事中左遷浪穹知縣清慎不苛民安之

諸葛伯恒洪武間任趙州吏目廉謹有文學秋毫無  
取於民月俸不舛而食布政使張統薦之官至叅政  
楊節仲仲符襄陽人進士永樂間任知府以文飾吏  
著有黔寧集

李縣西安人進士宣德間任知府重建府治民間財  
力無與焉

賈銓邯鄲人進士正統二年任知府甫下車以郡中  
利病詢父老凡淫賦水利盜賊之類一一得之以次  
綜理民皆樂從以福星相慶陞本省叅政

陳定邳州人大理衛指揮使正統三年征麓川挺身  
弗顧死於陣

惠灝淳安人進士景泰間以大理寺丞左遷同知撫  
民聽訟寬綽自如

何宗魯鄞都人舉人景泰間任浪寧知縣性剛直不  
爲苛細歲饑出粟全活者甚多

韓文昂富順人舉人景泰間任教授師表克端黎明  
升堂諸生無敢有後至者接上官辭氣侃侃一時雅  
重稱爲韓先生

黃遜邵陽人貢生景泰間任太和教諭力崇古道誨  
生徒久而不倦士人頌之

王諫道州人舉人天順二年任趙州知州政善民安  
有古循吏風

蔣雲漢天章重慶人進士成化十一年任知府持廉約已孜孜恤民創文廟樂舞器日進諸生誨之去任行李索然官至福建布政使

劉讓江西人貢生成化間任鄧川州同知察奸除暴四境肅然銓部嘉其蹟奏遷叅議致任

許坦閩人進士弘治間任知府以教化為已任公暇即往學宮講藝諸士樂從

吳晟弋陽人進士弘治間任知府恢弘直諒人不忍欺一日雨行與夫忽蹶傾其輿公不為動喚食餐取糕餬之曰汝饑耶聽訟獨斷吏亡得為奸時召諸生稽其本業亡敢嬉遊後遷叅政去士民遮送有泣下

者

廖鉉重慶人進士弘治間任同知以公直自命晉廣南知府胡伯

胡伯定德安人舉人弘治間任賓川知州能平其政民恃以安

吳光祿南城人舉人弘治間任賓川知州在郡尊禮高年孜孜求瘼秩滿遷歙州府同知李秀實

李秀實永興人舉人弘治間任太和知縣精神風采豪強歛手讞獄片言而疑者決罪者服

李芄漢陽人弘治間任太和知縣體恤民民皆德之卒於官

楊樊貴州人舉人弘治間任太和知縣有能稱時厯  
字傾甚擬修之計費金以千數工以萬數樊曰姑待  
明年人莫諭其意明年春大造版籍令民各按畝舊  
例吏筭里書應索民數千金疲於候命者萬人公親  
督寫造毫末不遺仍借此佐厯字之役力役人一工  
畝料石一片民視往昔減半費皆樂於赴工帑不啟  
鑰而事竣吏人竟不得一錢後遷知府

于人心晉九江兵備副使罵賊遇害

方宸新繁人進士正德間任同知清白自持時太守  
重罰鍰公每升堂蹙眉而出人服其廉晉知府

喻河廣西人舉人正德間任通判治辦通敏時洱河

泛溢沒民田方嗷嗷無所措公下令民間各具束草  
遂自乘舟探河尾淺處車水為城以草障濶疏泄之  
河不為害因著為法程三年一濬云

孟震貴州人舉人正德間任教授簡默不苟以文行  
為教嚴立課程一月凡三試不如約者輒正色斥之  
諸生兢兢守其業在任九年至今言教規必曰孟師  
高公韶太和內江人嘉靖初縣西臺以緘直譴富民  
典史丰裁惠愛別奸良而特施之置館延師教其子  
弟風俗為之一變尋知郡事威惠並用兩地俱祀名  
宦

任輒巴縣人進士嘉靖間任知府誠心撫字尤嚴於



馭吏時方有檄貸大青督責日至屬吏欲擇其尤者  
爲獻公曰此豈可繼之物汝不虞吾民禍耶擲而絕  
之尋以憂去在郡僅旬月至今民有隱憂則相謂曰  
安得任公

毛德禎平樂人舉人嘉靖間任知府以慈愛稱

高鏞內江人公船子進士嘉靖間以御史左遷尋陞  
大理同知僦儻有風節重修孔廟改濬泮池修葺祭  
器祭樂煥然一新陞兵部員外

王朴清平人舉人嘉靖間任通判有才節時平鳳繼  
祖以破竹之勢除易門逆黨王一新其功也

潘大武普定人舉人嘉靖間任趙州知州視身清白

獄無通情解館橋梁繕飾嚴脩可謂才矣  
朱官安莊人舉人嘉靖間任賓川知州愛民真切書  
院以及津梁無不修創民無驚擾遷楚雄府同知歸  
養

侯間清平人舉人嘉靖間任太和知縣通敏多才無  
附府供億之費皆里甲治辦又爲在官者侵奪費常  
十倍思爲永逸計自祭器樂舞燕几屏障杯筋及巾  
布薪水之細皆繕治而區分之以一吏一胥一包丁  
主其出入一吏一胥一包丁司其成民不知勞且藉  
費累遷工部主事累官苑馬卿

龍翔霄武陵人舉人嘉靖間任太和知縣熟諳吏治

聽訟無大小皆自決他郡邑有獄不決或有難事悉  
委之咄嗟而辦太和倉粟陳陳矣倉役焦然恐一旦  
罪應坐死膏肓粟得米若干以出陳易新聞於上官  
累閹而累爭之卒如請民免困累而積貯之數無虧  
上官下其議行於閩省後遷兵部兵部主事  
戶轍吉水人舉人嘉靖間任太和知縣瑰節篤行蔚  
有政聲後膺

召命未拜先卒

劉宣東安人嘉靖間任浪穹縣丞才具通敏子惠部  
民邑有德政碑

楊一中龍陽人貢生嘉靖間任教授澡身厲行士論

歸之

史翊永新人進士隆慶間任知府賦性恬雅民歸其平而樂其惠隆按察副使

劉朴郢縣人舉人隆慶間任大理推官每獄徵求獄情考法比準然當於人心陞上石西知州卒於官

莫天賦海康人進士萬歷初任知府慷慨有擔當岳鳳之變城守戒嚴人情洶洶通觀還即令解嚴百姓安堵陞按察副使

莊誠成都人舉人萬歷中任趙州知州下車以興廢為任凡關典禮器物整頓不遺麗江瀾滄二土官構訟各懷金行賂當執其使封其金聞於當路俱寘之

法未平汰兵作亂所遇雖大不寧百計周防賴以無事至於清浮糧釐差發疏水利修舉鄉射禁食毒革州志二百餘年竟爲闕典修之自公始此其利民生全民命重一州文獻之大者

何宗魯郿縣人監生知浪穹縣爲政嚴明動節不屈爲上官窘據而死死遺書所知曰某以私怨繫我經半意可知矣我死訴

上帝未幾其人果暴卒他事靈異尤著

陳輔江西人鄧州知州歷五年如一日履畝均田能消影射至於金錢出入底幾乎食指不動于常羨劉延齡綿竹人任雲南縣知縣發奸摘伏無遁情四

覺恬然民不見吏

蕭洪湖廣人監生任賓川州學正弘治七年州始建學洪適謁選京師授本學學正領印記而朱費序一新人文聲啟渾本源於木水宜賓人之不能忘也

臨安府

元普化以父張萬家奴至元間征緬死事蔭任臨安宣慰司同知忠厚嚴明有德政碑歷久石刻猶存朱寶守鎮石屏千戶亨祐同守天歷初各郡縣皆陷獨寶等率驍騎五十餘人夜至宣慰司掩襲僞官及所奪符印以歸見異龍湖扣龍島有壘壘可保引衆據之後賊合衆至攻戰舟三百艘有欲降者亨祐曰

戰亦死降亦死當以死報國有言降者斬衆皆踴躍  
賊舟將至衆欲迎敵亨祐曰毋急也無何賊兵蟻附  
檣砲擊之連碎數十艘斬首三百級受圍七旬糧乏  
富民王帑出粟千餘石以給衆會赦至得免

本朝萬中惟一舊名德黃陂人洪武十五年從宣寧  
侯下臨安領兵四出蒙自阿也引石屏馬黑奴通海  
官番奴寧州吉台諸蠻梗化屢服屢叛中一一以兵  
定之功蹟居多陞臨安衛世襲指揮同知尋陞雲南  
都司都指揮同知從征南安昌炎瘴卒

王執寧川衛指揮洪武十五年從金宣寧侯下臨安  
因與萬中從留鎮會石屏酋馬黑奴構煽諸部屯兵

海東爲七營以待執僭中乘夜襲破之追至易龍湖  
又破之師還擊之面山又擊之寇蠻於楊州莊皆大  
有新猷功

任暹永興人洪武間知通海改遷縣治咸受得宜民  
夷悅服

黃德江津人洪武間任晉峨知縣當草創之初一以  
寬大冲和馭之漢夷順服

弄錫立官著提六世孫方大將軍舉兵南下弄錫率  
衆首先歸服嚶嚶夫知擇木矣及授以政事又能  
先撫字通下情州治經其創修者甚多

程本立道原系出伊川後徙崇德少與海鹽沈壽康



交善壽康鄉人所稱孝友先生者是也嘗謂本立近  
世士以經學而無實行子質厚其志於聖學乎本立  
縣是篤志修檢

國初舉明經秀才除泰州引禮舍人同秦晉燕府官  
僚

召見奉天門賜馬楮幣後補周府禮官進長史從王  
來聘被累調雲南他郎甸長官司吏目會恩介發煽  
誘百為逆單騎入其巢以順逆利害諭之諸落  
咸感悅未幾復告變平西侯沐英左布政張統屬本  
立以撫禦之任又復縣楚雄經大理至永昌鶴慶麗  
江住未綏輯民稍安後以翰林學士董倫薦入翰

林修

高廟實錄陞試左僉都御史建文二年坐失陪祀調  
降仍留翰林纂修實錄成改江西按察副使未至江  
西聞靖難兵入城自縊死所著奏議集刻於闕

陳禮正言泰和人進士永樂間任知府其政先於利  
民凡公署祠宇皆撤而新之

李善河南人永樂間任隄水知州公勤愛民民亦愛  
之

賴英江西人正統間任知府有惠政建藏書閣廣購  
經史諸書以便諸生誦讀尋陞布政司叅政

徐文振聲遠威遠人正統間先任府同知善字其民

任清民上疏乞之進本府知府

彭善道浙江人正統間任通判厚學較軫閭閻治聲  
翔洽以最入爲司空尚書郎

邵鑒壽州人衛左所百戶正統六年征上江力招罕  
案戰死行陣

王驥博德榮昌人舉人正統七年任石屏州學正其  
教肅而整身無戚儀州人士文行爲之一變

召爲監察御史

唐英貴州衛人舉人正統十四年任河西縣教諭性  
剛正不畏權勢時靖遠伯王驥三征麓川老師費財  
上章劾之

任彬蒼溪人舉人景泰間任石屏知州遷州學更置社學立童師有吏目高秉權爲土酋乃諒毒死彬當勘訊諒以黃白金共七百陰行賄賂彬叱拒之正諒罪人高其節

劉文宗華大同人進士天順間以通政左遷府同知端謹有學在任三年

召復舊職

前進士及第左春坊左諭德清平張公天瑞誌墓畧曰其先陝西延安人元季兵起走避無定處國初徙大同家焉公少補庠生讀書不以祈寒暑雨懈爲文根極理道有奇氣識者器重之宣德壬子

遂舉鄉薦越正統丙辰登進士第被選入翰林爲庶吉士讀中秘書踰六年授中書舍人己巳秋會英宗親征北虜選侍從隨行公與焉公生長邊方習知虜事大軍至土墓公見數十騎若疑兵者知勢迫卽入奏倉卒取紙具疏以進至

御幄前爲權奸所沮竟不能上達須臾虜衆逼我軍潰公爲我馬傷左脅伏群屍中數日得不死歸卽條陳防邊禦虜選將練兵等數十事以聞時大同屢值兵荒守鎮告急

廷議紛紛公獨奏以宜因虜退暫移居民于腹裏令有司賑濟之庶邊儲可省而民得全活

上卒從公議景泰中陞吏部驗卽提督四夷館數年  
陞右通政奉

勅修大同宣府沿邊墩臺城堡凡數百所皆悉心爲  
經久計復以所歷山川扼塞道路夷險繪圖進

上親覽嘉歎將任公以邊務曾有惡公者遂坐誚雲  
南臨安府同知臨安民夷雜處號難治公隨事區  
處俱得其懽心時有土人石虎倡亂官軍屯久不  
敢進公獨率數騎夜衝賊寨遂擒其首惡賊黨悉  
平及會征元江公百戰皆與有功比

憲宗御極念先朝舊臣首召公還先是土人奏留蹕  
十上竟不允至是老穉遮留齋資涕洟依依不忍

去至京復其官如舊云微往從雲中得此于其子  
孫三十餘年矣今都前志乃知公載滇名宦因  
爲表出書其誦滇之縣與臨安丞佐理之大而可  
書者如右

蔣良希玉全州人舉人天順間任河西知縣政務長  
厚不樂聞人過有訟者引至堂諭以孝弟仁信其先  
教類此

左明善復初富順人進士成化間任知府廉而有爲  
兼得長愛友人寇邊榜諭以禍福賊遁去

周瑛迂濶興隆人進士成化間任知府明作有爲士  
民忻戴歷陞廣東布政使

黃時中宜之麻城人舉人成化間任阿迷知州時初設流百務肇舉雖用漢法不失撫安用是得夷民之心

楊奇玉山人舉人成化間任府學教授時召諸生立館下誨之其教寬教人稱長者而丰采自在

曹安以寧華亭人舉人成化間任府學訓導經學精通出腹笥之緒餘以及經生隨叩而應

楊明哲清江人舉人成化間歸四川丹稜教諭左遷石屏河泊校開置散益肆力於文學諸生執經問字屢常清焉所著有述古集

王朝祿江津人弘治元年任通海知縣修學會增倉



儲以路當衝衛里甲驛馬之累請更協濟于河西遂  
著為例民咸稱便刻石頌其德

陳瀾泰州人弘治間知豪自縣有才識時苦寇攘首  
倡戒賊之議築城保禦民賴以安

朱玘德嘉瀘州人進士正德十二年任知府性敏而  
持正郡中盜賊熾起窮其淵藪率統騎鵬勦之桴鼓  
稍息陞歸元兵備副使

余襄清奉新人正德間任石屏知州平易政通心和  
退食多暇惟爲諸生口授經義以爲常

汪金汝鵬貴溪人進士嘉靖元年任知府性純謹典  
郡雅持綱領創置學田士林賴焉陞浙江副憲

蔡煥同安人進士嘉靖間任知府朗練寬和觀族乞  
歸郡人樹碑以志德

錢邦備新水人進士嘉靖末年任知府慈恕得民素  
儉設粥以濟饑殍尋常訟辭已而不訊自捐俸以補  
措贖兩入

觀卻一切陋例陞苑馬寺卿民歌頌之

陳夢雷福建人舉人嘉靖中任建水知州精明果斷  
吏欺手不敢出其他寬政民喻為多

耳珂世諒豐城人嘉靖初知石屏捐俸倡修廟學有  
聞給諫碑記

王聘士卿南充人嘉靖二年任寧州同知勞於撫字

不廢催科蓋清修而民習之賦易辦也其母就養卽舍數載母卒鷄骨支牀徒步扶視歸囊無長物

司馬公體普安人嘉靖間先後任河西知縣新化知州雅有廉操邑將州所至百廢具舉夷民思服

昌應時廷佐莆田人進士萬曆三年任知府性坦直不屑屑趨承捐俸設館會臨元諸庠弟子評薦之藝藻不與辟雲路解魁閣士林仰之

昌公與雲南守程公道東同時皆加意學徒孜孜課莠值歲大比各修字下士預舉科名之數程曰雲士勝昌曰臨士勝且有揚觶之約程公一日課諸生其文不常意意曰適與昌爭之奈何士咸感

其真切宜乎志草之于昌詳述之也昌既列于志中程何獨令泯泯志草又云鄒軍門達蒙之役勦石紀功昌自鐫去其名緣是被謗枉臨言臨其有獨知之報乎

牛可麟祥符人萬曆十二年任知府稟性樸直其政依於寬訟斷一成確不可易嘗書學古循良四字懸之堂以自期待云

李璧白夫武緣人舉人爲府同知三年種種微政所稱文學飭吏治其人也陞南京戶部員外

楊浚南充人舉人萬曆初任府同知分猷贊決靡不盡心若亞旅之於長伯攝符下邑一如之至於溫惠

天成所至見思一也

許莘師戶大名人字瑞州華昌皆有聲左遷本府通判調于儒術興學備材而撫愛之入小民者更洽江文壁南城人貢生萬歷間任建水知州博大而渾融欲尋良吏庶幾古人

曹所能治州人舉人萬曆初知石屏州政務恤民置社倉修陂塘時方亢旱取積貯以賑饑民而九天觀堰池至今滋灌溉焉

鄭洪範黃巖人進士以御史左遷阿迷知州強直不撓民人畏愛

永昌府

張鄭純長伯鄭人明帝時西部都尉爲政清潔化行夷貊居長皆獻土珍頌德美天子嘉之以爲永昌太守純與哀牢夷人約邑象歲輸布貫頭衣二頌鹽一斛以爲常賦夷俗安之後圖形東觀常璩志曰鄭純獨尚清廉毫毛不犯夷漢歌詠表薦無數上自三司下及卿士無不嘆賞

張翕永平間益州太守政化清平在郡十七年卒夷人慕之如喪父母

張湍翕子父爲太守有遺愛拜湍任益州太守夷人懽迎道路嘖嘖曰郎君儀類類我府君

曹鸞巴人永昌太守時黨錮甚嚴鸞乃上書曰夫黨

人者或者年淵德或衣冠英賢此宜股肱王室左右  
大猷者也而久被禁錮辱在囹圄謀反大逆尚蒙赦  
宥黨人何罪獨不開恕乎所以災異屢見水旱薦臻  
皆繇於斯宜加原赦以副天心帝怒從之

樂巴內黃人順帝時為永昌太守賦性耿直學窺經  
曲靈帝初坐陳寶黨復謫守永昌以功自劾辭不行  
上書極諫帝怒下獄尋自殺

馮灝廣漢人順桓間守永昌政化尤多異蹟

蜀漢王伉蜀郡人章武六年為郡相有保境功諸葛  
亮為永昌太守封亭侯

費詩懷為人章武中為牂牁太守昭烈即位稱尊歸

詩上疏曰陛下憤曹氏篡竊糾衆討賊今大敵未克而先自立恐人心疑惑昔高祖以楚約先入關者王及子嬰就降尚懷推讓今不法高祖愚不爲陛下取也左遷永昌從事

霍弋紹先南郡枝江人先主末平爲太子舍人後主踐祚立太子璿以弋爲中庶子璿好騎射出入無度弋接古規諫後爲叅軍庾降屯副二都督又轉護軍統事如前時永昌郡夷獠恃險數爲寇害乃以弋爲永昌太守率偏軍討之遂斬其豪帥破壞邑居遣境寧靜遷監軍瑒軍將軍領建寧太守

晉孫綽江陽人爲永昌郡從事大安元年上南中形



勢七部斗絕應復至寧州以相鎮慰冬十月復置寧州

唐楊興郡人蒙氏特為布燮天寶八年率所部入附  
聖書集旌其門子孫世為永昌酋長歷段氏高氏  
洪武間天兵下大理興之裔獻馬四十匹願所部附  
歸

梁積壽咸亨中為姚州道行軍總管永昌蠻叛積  
壽討平之

元段阿堅大理人以都元帥守永昌有威德

李宣嘉定人縣四川上萬戶府萬戶調守永昌甚有  
政聲

段日大理人中統二年世祖賜虎符詔領大理善闡  
昆明威楚統天建昌騰越等城自萬戶以下皆受節  
制至元元年破舍利畏於威楚安寧三年賜金銀衣  
服鞍勒兵器十一年爲大理總管遣石買等誘舍利  
畏殺之後重賞於是置郡縣署守令平賦役施政  
化興中州等十三年受行省命禦緬寇於金齒南甸  
以功屢授大理蒙化金齒等宣慰使十九年迎雲南  
征緬之師卒於金齒子阿慶襲爵累遷鎮國上將軍  
大理金齒等處宣慰使都元帥字永昌

本朝胡淵定海人初李觀建郡城于太保山下觀卒  
淵繼乃拓而上之既可禦寇防險不使山居城內林

木蒼然至今遂為勝蹟林公後創名宦祠于學宮洲  
首與焉子琛字廷貢文學有雅度繼掌金齒司事興  
學訓農安邊勵俗

張倂即志淳云淵既拓城遂櫟觀之功而無文記  
又華府為司廢學為倉以貽鎮之禍禍廢學之人  
不宜祀於學宮當移其主于城上云

李觀壽州人初名觀音保仕元為雲南行省左丞  
天兵將至會城梁王自沉觀率父老以會城降遂從  
傳交德為裨將後入獻馬

高皇帝嘉之賜姓名命鎮金齒署永昌府事既至宣  
朝廷德意討叛酋段惠誅之開拓城池申明律令遷

境肅然

胡誌琛之子儀慶開雅有祖父風襲父職從征麓川  
提銳平爲前鋒有功陞雲南都指揮餘事尋陞都督  
餘事還金齒在鎮二十餘年水輯內寧人民安堵

陳昇金齒司指揮使正統十一年麓川平兵部侍郎  
侯璉奏調騰衝司掌印築城濠池墾闢田野軍民利  
之

余穀歸川人正統間任訓導時學宮新造風氣甫開  
能銳意作人雅有成績歷任九年擢本學教授從士  
望也

郭本道克融縣人天順間以監察御史左遷永平主

薄刑直廉介丰稜無改拓縣治經流夷嘗言永平小  
邑不宜冗員

賜環遂上疏請裁主簿不復設

黃臨桂林人舉人正德四年署司學訓導正大剛果  
左以文學稱一時雅重之在任五年轉道州學正

嚴時泰餘姚人進士嘉靖二年永昌府復府之初奉  
勅來守時方草創制度闕畧人心未安乃盡法定制  
修輯署宇撫安瘡痍控制夷服以恩御諸介冑無不  
畏懷嚴督博士弟子勤視課業以風厲文學所制書  
城錄一卷守郡五年遷去歷官兵部侍郎

童蒙正銅梁人舉人嘉靖中任知府和惠敏達歷九

年如一日陞福建鹽運使

弋中和南充人進士任知府政務安靜時緬酋市牛  
鹽於金騰沿邊實窺覷我公謂當遏其漸乃請於巡  
撫游公居敬力禁之庶幾識微矣

邵華譜普安人舉人知保山縣才敏性嚴能聲籍甚  
擢本府同知

洪恩黃梅人進士任知府性和平政事務求民便陞  
苑馬少卿去任不市郡中一物

張元謝浦江人任知府廉介方正上官有索庫羨者  
公以庫簿示之遂止禁火葬及婚喪奢禮挽以儉朴  
陳師思貞錢塘人舉人任知府嚴禁通夷并治材官

悍戾以靖軍民至於操守真所謂嶙然不滓非浪得名者

戴希灝柳州人舉人任府同知愷悌廉明絕情托卻夷金興水利勤講課在任八載僅還長史去行李蕭然泣留遞道崇祀

朱儒來江人舉人任府同知廉介愷悌禮士愛民征阿波堵魯四力阻敵降去任士民遮送不舍

漆文昌新昌人舉人萬曆間任府同知姚兵既叛聚演武場不難出身征諭解致爲所質卒至楊林乃脫虎狼之厄歷陞本省按察副使

劉恒克真貴州人舉人知騰越州近民愛士出於真

心陞麗江同知乞休去父老爲立遺愛碑

李幅文與吉水人例貢知騰越州蒞事勤敏官書不  
滯限備有嚴終輻之任守城者竟日不敢弛其爲武  
備見憚類此曾出南關閱集市者數千人肅然無聲  
時方採寶石於猛蜜夷苗素聞輻威望對商人曰安  
官得如李公來必携官雖不持賈貨欺擾我土又爲  
遠夷懾服若此未久去官士民立碑寄思焉  
杜可教德陽人舉人任騰越知州政廉清惠集緬夷  
著有功能士民思之  
孫衣清平人舉人知保山縣清潔無染杜喧塞謁送  
愛民而嚴吏後陞雲南府同知益有治聲



東甯富順人監生知永平縣鯁介在嚴豪猾歛手  
楊思震寧鄉人監生府學教授博涉經史尤長於詩  
修郡志成書入爲國子助教

### 楚雄府

本朝朱守仁徐州人洪武十五年知楚雄府撫民勸  
政招集流移授以田土均其賦役建學較錫梗強境  
內大治去任國境保甯不獲至涕而送之

秦義廬江人先任羽林右衛指揮同知洪武中西平  
侯沐英遣之守楚雄時蠻夷叛遁西城義積糧高壘  
調兵力戰蠻遂遁去陞楚雄衛指揮使墾田築堰建  
城郭修橋梁種種區畫皆永寧永逸之圖二十三年

八觀

上惜其老命醫為染其頸之白者裨仍撫治以威遠人後徵還歷官都督僉事三十二年卒

賜葬祭

印岳楚雄猗千戶性至孝奉母先意承顏母病不解衣而侍嘗見屍暴露者解衣覆之有死不能殯者皆與之棺洪武末征章石瓦那寨天寒絕糧殺所乘馬以食軍士後征麓川力戰而死

張琮合肥人楚雄衛指揮同知永樂間掌衛事戎事修舉恩流部卒在任三十餘年卒於官

馬良黎城人正統間任楚雄知縣政尚簡易凡有益

於民者盡心竭力臻成效而後已邑民懷之久而弗置

畢珪貴池人監生正統間任黑監并副提舉質直任事秩滿父老還道泣留

計澄浮梁人進士景泰間以御史任知府政修教舉盜賊屏跡後陞廣西按察使

鄒慶思南人景泰間任鎮南知州開僑路創吏舍力除盜患士民賴以安枕任滿陞姚安知府

邵敏長沙人進士成化年任知府初郡民不諳縣集歛為市桑麻木綿教導士女在任六事咸舉既去軍民立祠祀之

李純臨桂人成化間任鎮南知州黎己恤民聚爲阿  
私捐俸修南北二壇及文廟戟門後陞南昌知府  
吳永思遠樂平人成化間任黑鹽井提舉井有蛟爲  
害居民恐怖永於北門作石壩鑄鐵牛以鎮之患遂  
息

鄒傑京山人舉人成化間知廣通縣清謹惠和布衣  
蔬食始終如一建社學置學田積粟備荒其後邑人  
以兵火饑困賴賑濟焉

虎臣麟遊人慷慨有氣節先是成化末貢入太學聞  
萬歲山架棕棚登眺上疏極諫

憲廟奇之祭酒費閭懼貢禍迺鳴鼓聲其罪鎖項

以待俄而官較宣臣至左順門中官傳

旨曰爾言是命吏部銓選七品正官授硃嘉知縣聞  
聞而大慚臣名遂播天下始至縣黜奸崇義招撫夷  
擺次年勦景東土官讎殺事夷方投賄卻而不納遂  
中毒死邑人懷之

朱繼祖高安人弘治年任知府建兩廡號舍天偕同  
知曹顯建會講堂以誨諸生

范璋餘姚人進士授工部都水主事忤權貴弘治十  
一年謫呂合驛丞尋陞本縣知縣遷榮合拓縣治具  
見才為陞四川成都府通判

蔣哲貴州衛人舉人弘治初知廣道縣創外廉明黔

府人有恃勢作威者按治之如法卒於官百姓哀之  
董朴麻城人進士正德間任知府下車加意學宮每  
詣學講辯移晷口授春秋出所著文論諸稿與諸生  
共相商究貧不能婚葬者間爲資助又增修祭器建  
號舍立哨堡課農桑陞江西叅政行日士民悲泣不  
能舍

祝弘舒溫江人進士任知府因俗爲治尤篤意文教  
建書院遷學宮武定之亂招集鄉兵分布防守以爲  
隣壤聲援賊竟不敢入其境

李邦表定遠人進士嘉靖丁酉任知府廉介之操久  
而不渝建聚奎樓聚徒講苑懲奸正俗境內肅然

成慎宣城人進士嘉靖壬戌任知府清介不染不長  
強悍卒於官囊無餘財家屬餽錢始殯

傳昂金谿人舉人嘉靖間任府同知剛正廉明常以  
軍儲洞知屯役賠累之苦議比隣郡徵減例白之監  
司屢駁而不易及力爭將成適遷去後遂格不果識  
者憾焉

苟訖華陽人舉人嘉靖甲辰知南安州性剛操案以  
苦茹淡人所不堪值州境安竟堡夷賊焚掠千里人  
莫敢擾其鋒渠魁數十人皆關勇黠智撫之不聽剿  
之不能勝訖出奇設策躬入巢穴伏兵格殺之立哨  
於要境議委官調卒守禦民感其惠立生祠祀之

何應和東莞人嘉靖丁巳知南安州勵冰蘄之操單  
騎赴任有時不乘輿不張蓋撫民禦盜境內肅然後  
以終養歸踰年有安竟之變咸曰何公在常不至是  
區元晉新會人嘉靖末年知鎮南州好士而愛民修  
建廟學又重修州之東西二城樓

吳習赤水衛人監生嘉靖間知廣通縣仁恕公廉催  
科無濫溢凡公署學校橋梁靡不修飭邑人感之陞  
順州守

談珏遠安人監生嘉靖間知碭嘉縣寬不縱明不察  
因俗爲治有循吏風

張大亨全州人弱冠領鄉薦謁選候長安邸中分單



初入相爲其大父尚書鑒川先生門人遂引疾歸終  
分宜在政府念餘年不出及罷相始出判端州隆慶  
戊辰擢楚雄郡丞携一蒼頭一婢兒灑然甚適也於  
吏事迎刃而解其九場巨愍殆盡民依依若孺子之  
慕父母比代字者八

觀以經費不能給中道徑歸其家

張九敬曹州人萬曆甲戌知楚雄府公廉果斷有倚  
勲勢于部內誅求者力裁抑之不能行其志而去後  
以內艱歸

黃袍南充人萬曆癸酉以定遠令守鎮南政尚寬和  
遷學造士

顧閔清平人萬曆間任楚雄知縣年尚少性剛慈厚  
見刑非其事者惻然哀憐之實能清賦平糶恤悖戾  
趙州知州

王庸高斯州人廣通知縣強直敢任民受其賜久而  
見思

王章嘉定人任碣嘉知縣省刑薄歛招集逃移邑人  
久而思之以良牧

曲靖府

晉費深與古郡人永嘉中與將軍姚岳同破李雄兵  
任為本郡太守今南寧縣南十餘里有古興太守費  
府石碑

本朝王政洪武初任知府創制立法民夷至今守之  
劉璧鳳陽人洪武初任曲靖衛指揮藥城建署府前  
屯田軍民共敬思

王頌江西人永樂間任知府惠愛得漢夷心設學校  
自公始

操安浮梁人景泰間任知府公廉有為民懷其惠

許南傑餘姚人景泰間任知府政廉惠義民至今思  
之

王成合肥人天順間任霑益知州有惠政民夷交誦  
之

章悅會稽人弘治間任知府新學宮修禮器士林頌

其功

焦韶灌縣人進士任知府興學平賦弭盜招亡在郡  
產嘉禾民歌之曰一本兩穗嘉禾滿田太守焦公其  
德格天

蕭瑛貴州人舉人弘治間任馬龍知州捐俸買民居  
拓州治比解官歸蕭然猶未裝時也

羅環吉水人監生弘治間任馬龍知州時始改流勤  
於其職敬神明慈衆庶夷習丕變任滿卒於官軍民  
弔哭

王惠無錫人舉人嘉靖間任同知以贊郡流節愛聲  
李珊臨川人舉人嘉靖間任馬龍知州政無苛求安

銓之變挺身抗敵陞廣東韶州同知去任軍民遮留  
泣下

張秉正滑縣人嘉靖間任羅雄州同知剛正自持不  
昵群小嘗請除流官知州卒如其議

梁棟貴州人舉人隆慶年任亦佐知縣有循良蹟後  
離任俸蜀之渝州民難其去

龐嵩鎮鄉南海人篤志力行嘗從耳泉先生遊鄉應  
天治中遷曲靖守苦節閭修政先化導立各鄉社學  
以杜師演訓蒙童耄齒有弗率者一以誠感去而見  
思

胡光徽州人府同知剖決如流興廢舉陞自郡城池

及橋梁興堤堰多所修治蠶桑粟粟遂賦屏惠

教翔四川人任府同知冰剛方而內平恕庭無請謁  
貪吏望風畏而不敢肆

戶耕莘陝西人府推官爲政廉明豪強歛跡卒於任  
囊無餘貲

栗廷用松滋人知陸涼州奉法循理吏民畏懷

文潞潯林人任南寧知縣慈惠霽然允稱良牧

夏鐸山東人府學教授厭士習記誦日興講究道義  
教以身心性情之學士多丕變

郭俊義任陸涼知州器韻昂藏有膽力自晉入滇挈  
知兵子弟如千人天啟二年三月酋婦設科擁兵入

其境恣意焚劫虐酷沉迷乃率鄉勇出家丁躬自出  
禦而衆寡之勢不敵遂遇害

周嘉映扶龍雲南中衛人以武舉高第署霑平守備  
值安紹慶死需益內訌諸夷謀不測則正發兵授蜀  
映以密書告變謂蘭州之患遠在千里需益之憂近  
在目前宜早爲之備語淺諸酋恨映入骨後從叅將  
尸啟易出陣馬躡爲賊所害函其首以去用淺忿云  
李加培平 衛指揮以薦剡擢守備與周嘉映同死  
於陣

曹三捷平 衛指揮天啟壬戌李天常兵敗于白  
平 諸 雲擾相傳設科李賢以兵登至衛城遂隔

焚掠一空時閭閻士民官吏葬命者甚衆獨有燒營  
無以死于其職稱

### 激江府

元魁納蒙古人任激江路總管首建學宮以禮義爲  
化導

張瑾居錫至正間爲本省廉訪副使行部至激以興  
學勸農薦賢爲急務辦路南陽宗寃獄蠲江川數年  
逋賦其他路平反疑獄剷決冗案總數百餘事詳隨  
安路總管段文瑞碑記中

本朝胡思西安右衛指揮洪武十四年平定雲南而  
平侯奏薦掌激江府事剷除餘寇撫定夷民勞勩居



多

許用山陽人以賢良舉洪武十五年任同知有廉能聲

白永年宜賓人監丞永樂二十年任知府勤儉愛民修葺文廟學舍

王彥士修安福進士縣刑部郎中言事左遷雲南都司斷事正統中陞知府招流移鄭奸弊創設三關募民守之迄今永賴焉

魏鑑江夏人天順間任新興知州歲荒設賑饑民賴全活者甚多在任凡九年始終一節

向侃揚州人舉人成化間任知府政訟平理凡殿堂

齊廡皆所修治

饒欽汝恭初門人進士成化間任知府清介不滓力  
卻路南土官之賂巡撫三原王公特薦不報尋以入  
覲請歸

魯厚內江人舉人成化間知路南州創社學以教間  
巷子弟增重樓於州城之外禦暴賴之

晁必登汝吉宜賓人進士弘治間任通判時激守貪  
暴人情洶洶公以廉佐之屬邑之民充拔擢江川驛  
籍者艱於覲應多破產逃亡公建白徵銀解驛迄今  
賴焉政暇與諸生講周易尤長於詩諸留題贈友人  
口攝篆廣西曲靖尋時遷武定同知皆有遺人像祀

之後陞本省僉憲按部至徽州市羅拜歷陞本省右  
叅政

唐臣充佐營山人進士原知鞏昌以赴任愆期移守  
徽州誠懇清謹自奉薄而厚恤人政暇手不釋卷起  
諸生討論築西街城設東溪鋪增創分巡公署正德  
癸酉陞兩淮運使部檄方至已先奉篋中空虛巡撫  
范公鏞檄下崇祀

劉傑臨汾人舉人正德間任知府聽訟依於情法明  
敏果斷謹斛量定商稅均里役桶平政居年云

童璽國信連城人舉人正德間任知府始至以郡治  
弗利改遷於陽灣山移學於郡治舊基以舊學爲仰

仰山書院又移文廟於學宮傍郡東北有溪每值霖潦爲害公築堤東谷障之北流郡舊無城公指築土城周道千一百五十丈有奇樹魚樓其上移屯倉於府倉之東增築西城二尺政蹟最多

皮日偉長沙人舉人正德間任江川知縣奏免均徭民感其德

計朝聘莘夫成都人舉人正德間任知府下車值歲不登捐俸賑民寬徭省罰開田三千畝俾民佩犢以

耕民愛戴焉

見蜀志

楊佑奇嵐人監生嘉靖初知江川縣加惠窮民多所

調劑

張雲翼安莊人舉人嘉靖間知楊宗縣有惠政見德  
不以發聞

王良臣天民事荒人舉人任知府才識練達吏事明  
敏別郡有疑獄多受成於公在任禮賢崇學創設樂  
舞以文廟浸狹拓而新之郡西瓦窰村溪流病涉捐  
俸鳩工易故江甃以召名曰太平橋

徐可久有功焉平人任知府九年遷郡治築磚城闢  
銅路開河道義倉社學之類久廢而俱興陞本省屯  
田副使

林焜章莆田人任知府清慎愷悌置義學六館每六  
給穀二十四石以贍郡之童蒙嘉盜化以廉耻不乘

報管勾攝卽付告人不遺艱辛嘗手題於屏曰不怒  
不嘆和平養蒼生福勿欺勿慢忠直報

聖主恩開米糶離任士民思之

### 蒙化府

唐細奴邏九隆之後居蒙舍耕於巍山之麓數有神  
異部衆日盛高宗朝遣子入朝授巍州刺史

鳳伽翼奴邏之後爲陽瓜州知州

本朝劉童福建人永樂間知蒙化州以惠政爲夷人  
感慕

左伽蒙舍人永樂間襲知州從征麓川屢立戰功又  
捐貲助餉陞臨安府同知仍掌蒙化州事正統間陞

州爲府遂以伽爲知府

劉宜春成化間任教授有教士功祀名宦

董璧太和人舉人弘治間任教授端朴有古風

胡光徽州人進士曲靖府同知公廉有爲委署蒙化  
建書院爲講所其他惠政甚多爲名宦首稱

謝圭戶首人舉嘉江府同知正德間委署蒙化慈和  
簡易得人心

溫洪廣東人吏員正得間任通判醇謹諳練事至立  
剖莫能難之

王璋瀘州人舉人大理府同知署蒙化雅操不易素  
履可稱

陶文璣宋經人監嘉靖間任通判有吏才多建置  
董希孟陰德人星生嘉靖間任通判清廉謹飾遇事  
剛果征歛從薄在任鄉落間無一人一字之擾  
劉祚沛馬平人舉人以提舉署府置田養士變里甲  
為條編民便之有去思碑

### 鶴慶府

元高惠直鶴慶路人為本路總管有德行衆所愛戴  
本朝林道節莆田人進士歷刑刑部主事廣西度速  
通判瀘州知州時鶴慶土官知府高倫暴虐靖遠伯  
王興奏章之薦道節為流官知府正統八年蒞任撫  
治夷民壇廟驛舖多所修建規制一新



王珉 鐵塘人進士知鶴慶府蒞任三載有麥秀雨岐之瑞

張洪定 蘭州人舉人任知府性簡靜不事操功郡人思之

胡信丹 徒人進士任知府有興學造士之功

張海德 州人進士成化間以太僕寺卿不屈中貴出爲知府愛民教士卓有政蹟弘治元年陞順天府戶部  
賀從政 湘鄉人舉人知順州陞廣南知府尋改鶴慶  
公慈平恕郡人至今稱之

劉珏 內江人進士任知府有惠政民夷信服歲山盜起捐金設賑以活饑民盜賊縣之解散致仕歸鄉人

高其誼以子貴贈戶部侍郎

孫偉清江人進士任知府威行強暴去之日民號泣不忍離

吳堂常熟人進士任知府加意作人遷學有功

汪標祁門人知府在任得民心有攀留亭記

馬卿林縣人進士任知府修築堤壩水利均平與諸  
談談經學性學多所造就至今猶稱

周集遂寧人任知府建城池啟庠序政蹟懋著

蔣子岳歸安人官生任知府政平訟簡

桑荆初永寧人舉人萬曆間任知府剛果嚴密鉅暴  
扶良修學之功尤著

周贊潼川人任知府改學門廡建塔爲文筆學後爲  
山構小閣于上顏之曰文明皆政之關切名教者

曹鐸井研任同知廉靜仁恕士民鄉慕

劉璧壽光人舉人任同周周知民間疾苦聽斷有執  
人不敢干以私

張廷俊鄆縣人舉人任同知均水利訓社童叟冠賊  
惠政實多

張哲常熟人監生任通判政務近民稅賦有法

于大節任丘人進士以禦史調鶴慶推官清直自遂  
蒞政三年豪惡屏跡官至山東按察使

薄淳普安人舉人任推官廉而有爲

姚大英烏撒人舉人永昌府推官視郡事幾二年清介不索接李考試諸生毀淫祠清吏弊人心悅服及代去士民泣送有隨之二三程者

陳憲叔南人舉人任教授嚴教規振士氣

洪晟黃梅人舉人任教授言動不苟教人孜孜不倦鄭恩當陽人吏員萬曆間任府經歷慎愛及人不事敲扑諸所豎立未可以刀筆少之

吉時惟可長安人正德間縣給事中謫鶴慶知事丰裁卓立人皆仰之

牟鳳南海人知劍川州政務尚嚴而遇弟子員最厚張述武岡人舉人知劍川精心敷教井井有條

劉讓吉水人舉人知劍川能除民害至今頌其有爲  
方啟念巴校人舉人知劍川知恤民窮更循勸化  
越民牧貴州宣慰人舉人知劍川政以能稱百廢脩  
舉墨謨去任士民立祠

康吳彥高辰州人監生任劍川州同知賦資諒直每  
事必求當可陞河南府同知

李先芬忠州人選貢萬曆間任順州知州性湛泊有  
擔當所創州城社學及聖田增戶種種皆有古良吏  
風陞永昌府同知

余廷楨鄞縣人故閣學余公有丁之子以任子歷守  
鶴川意在興除持法於門內之役無少假代初至獻

民間事訟多猥細不足煩太守口筆輒以片言而麾  
之久之民漸省悟訟師無煩訟以終止催科擬古兩  
稅之限礦課擬古什一之法民咸賴以甦蓋蒞事期  
月而弦轍更易鳴和鸞而清節奏竟盛勞瘁間猾胥  
乘間壞法猶忿恨革撤遠治未及卒百姓傷之爲勒  
石造感名曰哀思

姚安府

周小卜楚莊驕將戰死蒙氏立祠祀之

漢韓說案道候與司馬相如同開益州領弄棟蜻蛉  
諸縣

唐梁積慶高宗時爲姚州道行軍總管時蠻爲亂

度討平之

元楊資以招諭土人授姚安路判官克蔚州曹州陞  
大理路治中時梁王興改氏構卻實見兩兵相持有  
供餉鋒刃之苦極力解紛民受其賜

高明姚安路總管天曆中入朝賜衣馬褚幣明年盜  
起明招流離撫携貳關汙萊還侵軼既又繕修官舍  
郵傳以至民賦軍儲無不究精父老歲稱慶幸子壽  
官至雲南中書省左丞

本朝戴都江西籍指揮洪武初守禦姚安姚僅土城  
仍唐之舊制甚濶難守也撤而小之易以磚石至今  
恃爲保障

岑武錢塘人征雲南有功陞執安千戶洪武十七年  
開設千戶所公署其所營繕尤得士卒之心及卒無  
不慟悼爲之立祠

高惠州同知洪武初率衆歸附時自父賊黨叛殺州  
官惠奮身擊賊追至白鹽井擒之赦免提舉熊以正  
等官吏三人并印信賊黨遂解

吳潤武進人舉人永樂間任知府政尚循良白鹽井  
兩竭課鴈潤爲奏豁道課灶丁德之後陞雲南按察  
使

高宗壽泰和人舉人永樂初知姚州剛果英觀政先  
典要尤篤意於小民後陞陝西鳳翔知府



馬自然性之內江人任知府誠心誠心愛民大石瀾水散溢民不均惠乃築堤開東西二閘以時啟閉至今利賴焉

劉昂廷舉海豐人進士成化間以給事中讀姚州判官均德平賦民甚賴之後陞叙州府知府

任弘南充人進士弘治間任知府正大寬徐拓先師廟及門廡齋泮一新尋陞恭政

王嘉慶右之內江人進士弘治間任知府秉性剛果不避權勢興利除害建東西南加城堯石橋以通鎮遠靖蛉諸渠之水民不病涉

丁銳武昌人舉人弘治初知姚州軒豁抗羨三善具

稱

孫曰洪宣城人舉人弘治初任大姚知縣政無苛細  
夷民化之卒于官

楊沐樂安人舉人弘治間知大姚縣政修教舉禮讓  
成風

黃澍候官人舉人正德間任知府閩朗平恕有巨室  
以贖銀弗給久淹囹圄爲之匾畫以完籍其室爲棟  
川書院商人徐煩募姚人徐永勝員八百金詣省中  
途被掠因歸咎永勝拘家屬十三人傾產償之仍坐  
死獄公知其誣遂憲重賞詞得其賊未能徐友諒擒  
之集金與商遂釋十三人郡中以為神明

杜宣東阿人舉人正德間任知府和易公平訟無偏  
聽興作不煩閭左每有同休共戚之義

高鳳正德間襲同知有才識多方畧時有夷寇遂令  
率師討之不旋踵而定開何拜亦并倍輸國課建等  
經閣于學宮士民共戴焉

趙良華居賓眉州人進士嘉靖間以貢外郎陞知府  
廉明剛直初吏廨在府外公遷之以便隄防有梗弊  
者立黜之卒於官士民悲悼

王禹汝調汝州人進士嘉靖間以禦史陞知府嚴明  
清慎修城池繕府治禁婦人不得市易惟事麻桑至  
於防寇蒙皆所究究極姚俗爲之一變

陳綬紹興大名人進士嘉靖間任知府長才果斷民不敢犯後調叙州府

吳嘉祥一和眉州人舉人嘉靖間任知府明微果斷微無冤滯調繁辰州民勒碑志思焉

陳祥麟伯仁莆田人進士任知府力清吏弊却郡重獄未決者咸委質焉姚人頌為青天以內艱去

何最設夫枝江人舉人嘉靖間任知府平易寬仁修築夾口壩注水以濟大石湖之不及遂為永利

王德純一之羅田人舉人嘉靖間以御史任知府剛明正大不事煩刻新棟川書院遷養濟修儒學意篤士人惠周無告

趙澍安福人官生嘉靖間任知府練達故典州所丁糧徭役凡舊事之偏弊者釐而正之從此稱平至築器射圃經理煒然嘗銳意開小井通鹽利爲偏聽者阻抑去之日姚人遮道而泣

趙恒晉江人進士嘉靖間任知府有才識治奸惡在嚴耳雖重聽人試一字遂徹始終決訟曲直莫能逃所著有春秋錄疑

楊日贊揭臣揭陽人舉人嘉靖間任知府剛方廉潔斷獄明允罰黷盡登公籍毫無染指直却壘茶毒民人流移者衆爲白諸當道除之又議設守備督營兵爲守禦長久之計尋以家難棄官歸民立石頌其功

莫相全州人舉人知姚州才敏行潔安鳳之變倡大義聚民得萬餘人畫則張旗鼓以示威至夜登陴共守衣不解帶賊憚而不敢入後陞四川僉事

陳輅南充人舉人嘉靖四十年任知州愷悌慎勵節里甲輕徭使民享其安

陳生名山人舉人嘉靖三十三年任教授有志行字以謙下斤斤焉填撫取八省纂修同倫類訓諸書陞延長知縣

楊汝允南昌人進士隆慶間任知府廉明果斷門無私謁政暇與青衿論學課藝著有漢游集

李載贊晉江人舉人萬曆間任知府性嚴守潔民居

罹於火爲建火神廟時禱而禳焉將三載竟自克歸  
士民攀卧道間車不得發囊中僅圖書數卷巡按劉  
維及一時藩臬作高尚冊以遂其志余愚願養廉爲  
家序

吳崇德虹縣人監生任提舉恤灶以完課易鎮以優  
民灶戶居民並稱其善

熊過富順人進士以禮部郎中左遷提舉政事平恕  
遺愛爲多

### 廣西府

本朝賀勛世安長沙人成化間改土之初勛以雲南  
府同知陞任知府建設城垣學校公署尤多實政及

民後陞雲南叅政仍理事

張敬吉水人成化甲辰以督府經歷上疏申救林俊  
謫師宗知州乙巳

召還南部員外郎

金信麗水人舉人任同知政蹟丕著久而見思

孫文吉水人舉人弘治間知彌勒州革昧之初多所  
創建制土酋安反例民賴以寧

孫偉正德甲戌任知府拓府治建譙樓政蹟著

華剛都勻人監生正德間任彌勒州知州明察毅然  
十八寨賊首阿勿等聞其名畏之輸納逋稅期月之  
間法令大行以捐介見忌即倖卒于官父老悲嘆



張佐武昌人舉人正德間任彌勒知州廉介持平絕  
無苛擾征十八寨運籌有方不妨民業

解一經交城人舉人任知府自矢清廉纖塵不染

李崧澧州人恩生嘉靖間知宗師州勸課農桑滌除  
蠹弊九年陞大理府同知

戴時雍逢堯浮梁人隆慶中任知府倡議建城辦方  
督役屹然金湯之固約己省刑善政尤著

陳忠良父獻縣人官生萬曆中任知府凡九年統才  
畧擅經濟其著者如建永昌壩以開左右開東西兩  
河附近田土遂盡為膏腴修築三鄉城沿江渡口設  
哨全戍卒開田且耕且守道路以通

尋甸府

本朝戴紫郵縣人進士正德間任知府立法陳紀化夷變俗拓土城以資防禦建學作人吏為風教之助林武莆田人舉人嘉靖間任知府除奸宄任良能設館肆而徭役均立哨戍而盜源息歷任六年陞貴州按察副使有注祠

王尚用安福人舉人嘉靖間任知府創書院新學宮平賦恤民皆見德

李遇春圖縣人舉人萬曆間任知府以興華為己任濬渠道築河堤置義田寢征調嚴閉納石同等礦場分屬四十三寨尋人德之

諸藩裕尋甸守禦指揮大理保作難寇尋甸藩裕興  
平戶戍貴鄉陳萬國土舍之有能死之前巡按鄧公  
漢具疏與蕪臺楊等

請叙錄

武定府

元安慈武德將軍子弄積世有功於武定

本朝董旻子仁樂平人進士成化中以都諫謫知石  
舊縣公勳能斷在藩絕驚後陞布政司叅議

黃表廷章廬陵人舉人弘治初任同知以勳能著

張敬清江人弘治間知和曲州滿腔慈愛政善而民

安

秦倅四川人嘉靖間任同知鳳朝文之難一門死鄣  
在祀典名忠節祠

秦健廣西人嘉靖初知祿勸州鳳朝文叛監守分地  
賊攻圍甚亟遂遇害祀忠節祠

劉瑞祿勸州吏目與知秦健同遇賊難並祀祠中

劉宗寅江西人隆慶間任知府首創城郭膠庠士民  
思之

羅賓四川人隆慶間以都諫歷府丞丞調外任清操  
正直豈弟宜人卒于官

鄧世彥湖廣人隆慶間任同知逆祖倡亂以次剿平  
創建城垣府治瘡痍之後撫綏之勩居多

金守仁武寧縣指揮阿克之變與千戶王應將梅  
應時黃桂顯撫金榮高俱死于城陷之日前巡按御  
史鄧公羨勘尋武公罪疏守仁等及百戶楊祖胤陳  
宰生員董漢英與知縣韓慶陽嵩明學正龍旌等尋  
同指揮諸蕃裕等共十五人以

聞撫其或効死封疆或捐軀行陳或逆頸特亦或圖  
門被屠抱恨黃泉血濺蒼弘之碧冤啣五夜聲哀望  
帝之靈例當蔭叙以慰中靈云云

景東府

本朝吳儲新建人監生嘉靖間任通判以惠人名後

陞北勝州知州

張吉江西人進士任景東通判拯念民夷多更化善治之蹟

元江府

元寒賽撒里路總管初寒賽遣侄刀溫入貢爲元江判官度宗顯所誣行省遣部元帥述律杰諭以大義寒賽感慕遂備珍貢增差賦置驛傳比于諸路

刀代元江路安撫大德五年從征八百有功陞元江路總管勇鷲過人部夷畏服洞蛟爲孽中挾利劍入洞頃之洞水盡赤中與蛟俱莫測所之蛟患遂息沿河民始得緣南畝而耕每歲祭以中牢

本朝那直刀代之孫初襲元江路總管洪武十四年

天兵南下輸誠納款因改路爲府以直隸府事十六  
年入

覲賜

誥命世襲

汪輔雲南衛衛指揮同知嘉靖間署府事政務便民  
有控訴至者不加鞭朴訓以禮讓遺之至於軍衆以  
嚴明御之毫不可犯累官貴州總兵都督僉事

麗江府

元章吉帖木麗江人從世祖征大理屢戰有功賜名  
帖木兒陞北勝府知府兼管麗江宣撫司事  
本朝阿得麗江宣撫司副使洪武十五年

天兵下雲南率衆歸附改姓木十六年開設府治授  
麗江知府本年西番大酋卜剗瀾倉阿得解退之悉  
從董指揮破石門關寨事

開授

誥命世襲土官知府

木高正德中襲麗江知府建萬勻橋民資利涉

廣南府

本朝王道廣番禺人舉人隆慶間任知府康靜不擾  
民相安

順寧府

本朝阿日貢仕元爲順寧府知府洪武十五年天兵



南丁日貢率衆先附

恩錫綸誥陞中順大夫知順寧府事子孫世襲

董寶大理人南詔清平官董成之裔洪武間任順寧府土官經歷清動敬慎部民安之後以屢功遷大理府土官經歷麓川之捷多著勞能以死事得蒙

諭祭

永寧府

本朝丁克夫餘姚人舉人嘉靖間任同知多善政

北勝州

元高斌祥廷瑞大理人北勝知府明王珍寇境祥率兵破之天生擒品甸僞王以功陞雲南行省中書右

丞

本朝楊勃莆田人舉人洪武間知北勝州蒞政十五年政善民懷陞同知

呂實建昌人監生任吏目有去思碑

滇志卷之十一終